

法令一

諭旨

十月初三日內閣奉 上諭袁樹勛奏黃河霜降安瀾一摺山東黃河本年入秋以來水勢增漲險工林立仰賴神靈默佑搶護平穩現在節交霜降普慶安瀾實深寅感著發去大藏香十枝並著南書房恭書匾額一方交袁樹勛祇領虔詣 大王廟敬謹懸掛祀謝用答 神庥所有在工出力之二品銜分省試用道鄧際昌著仍以道員分省儘先補用並交軍機處存記指分江蘇補用知府施炳燮著免補本班以道員仍歸原省補用並加二品銜濟南府同知黃篤瓚著以知府在任候補並加三品銜四品銜山東候補直隸州知州周忠清著免補本班以知府仍留原省補用四品銜直隸州用本班先敘習補用知縣蕭方駿著歸候補班補缺後免補直隸州以知府補用試用知縣方家永著免補本班以直隸州知州仍留原省補用並

加四品銜候補縣丞竇立身試用縣丞汪廷尙陳緒會均著免補本班以知縣仍留原省補用留直補用副將何東來著免補本班以總兵記名簡放餘著照所議辦理該部知道欽此

十月初四日內閣奉 上諭前以粵漢鐵路最關重要特派軍機大臣大學士張之洞爲督辦大臣近詢該大學士籌辦鐵路情形據稱該路事權紛歧議論淆雜諸多窒礙等語該路交通大有關繫詎可長此延緩嗣後該路籌款用人興利除弊各事宜悉責成張之洞通籌全局力任勞怨嚴定期限各就三省情形分別妥訂章程因時制宜主持定斷郵傳部暨湖北湖南廣東各督撫均須實力協助不得掣肘所有各該省原派之總理協理均聽節制在事官紳商董倘有營私舞弊煽惑把持以致妨害路政各情事卽著張之洞據實奏辦經此申諭後該督辦大臣等務當協力趕辦不准延緩以期事權專一免誤要工欽此

法令一

諭旨

三十九

戊申

法令一 諭旨

旗漢軍都統李殿林侍郎俞廉三侍郎銜丁振鐸均著加恩在紫禁城內騎馬欽此 同日奉 上諭奉天旗務使司旗務使著恩志補授欽此

十月初六日內閣奉 上諭錫良電奏雲南官兵越界滋事一案本年五月間我兵追逐匪黨不知界線致釀成焚擾巨案雖非有意生事但一誤再誤管帶各員弁實屬罪無可追除楊清貴因失汛逃退業經軍前正法應無庸議外毓煥章王開仁情罪較重均著卽行正法王有才許得魁均著監禁五年限滿釋放廣東守備姜萬隆拔補把總彭開陞均著卽行革職姜萬隆並著發往軍臺効力贖罪彭開陞並著監禁一年粵軍管帶四川補用知縣宋智焜滇軍管帶武生胡天佑均著卽行革職宋智焜並著永不敘用滇軍管帶游擊王洪順著革職留營効力以示懲儆餘照所議辦理該部知道欽此 同日奉 上諭吳重憲奏黃河霜降安瀾一摺本年大汛期內河水疊次陡長各工險要環生時有刷墊仰賴 河神默佑得以化險爲夷

四十 十一月

普慶安瀾實深寅感著發去大藏香十枝交吳重憲祇領虔詣 河神廟恭代祀謝用答神庥所有辦理河工出力之河南布政使朱壽鏞開歸道曹福元河北道石庚開封府知府劉更壽均著交部從優議敘前署開歸道候補道何廷俊著賞加二品銜餘著照所議辦理該部知道欽此 十月初九日奉 旨喀爾喀頭等台吉祺克坦著加恩賞給乾清門頭等侍衛欽此

十月初十日內閣奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨達賴喇嘛上月來京陛見本日率徒祝嘏備抒悃忱殊堪嘉尚允宜特加封號以昭優異達賴喇嘛業經循照從前舊制封爲西天大善自在佛茲特加封爲誠順贊化西天大善自在佛其勅封儀節著禮部理藩部會同速議具奏並按年賞給慶餼銀一萬兩由四川藩庫分季支發達賴喇嘛受封後卽著仍回西藏經過地方該管官派員接站護送妥爲照料到藏以後務當恪遵主國之典章奉揚中朝之信義並化導番

衆謹守法度習爲善良所有事務依例報明駐藏大臣隨時轉奏恭候定奪期使疆圉永保安僧俗悉除畛域以無負朝廷護持黃款綏靖邊陲之至意並著理藩部傳知達賴喇嘛祇領欽遵欽此

十月十四日內閣奉 上諭陸軍部左參議著許秉琦補授欽此

十月十七日內閣奉 上諭楊士驤奏東明黃河獲慶安濶一摺直隸東明黃河南隄本屆三汛各埝壩紛紛墊陷異常危險經在工員弁竭力搶護現在節逾霜降仰賴神靈默佑獲慶安濶實深感發去大藏香十枝著楊士驤祇領交大順廣道文冲虔詣李連莊高村黃莊 大王廟敬謹祀謝以答 神庥所有出力員弁著先行存記俟下屆再行照章請獎欽此

十月十九日內閣奉 上諭現在天氣漸寒所有食餉之閒散宗室覺羅人等生計維艱殊深軫念著加恩賞給一月錢糧其宗室覺羅孤寡除有恩賞錢糧外著再加賞半

月錢糧以示體恤欽此 同日奉 上諭現在天氣漸寒京師兵丁當差勤苦殊深軫念所有八旗及綠步各營官兵均著加恩賞給半月錢糧以示體恤欽此

十月二十日內閣奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨醇親王載灃授爲攝政王欽此 同日奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨醇親王載灃之子溥儀著在宮內教養並在上書房讀書欽此

十月二十一日內閣奉 上諭自去年入秋以來朕躬不豫當經諭令各省將軍督撫保薦良醫旋據直隸兩江湖廣江蘇浙江各督撫先後保送陳秉鈞曹元恆呂用賓周景濤杜鍾駿施煥張鵬年等來京診治惟所服方藥迄未見效近復陰陽兩虧標本兼病胸滿胃逆腰腿酸痛飲食減少轉動則氣壅欬喘益以麻冷發熱等症夜不能寐精神困憊實難支持朕心殊深焦急著各省將軍督撫遴選精通醫學之人無論有無官職迅速保送來京聽候傳診

法令一 諭旨

如能奏效當予以不次之賞其原保之將軍督撫並一體加恩將此通諭知之欽此 同日奉 旨朝會大典常朝班次攝政王著在諸王之前欽此 同日內閣奉上諭此次驗放陸軍部游學畢業考列優等之礮兵科畢業生沈郁文周斌史久光李祖植熊祥生成枕向瑞琮童序鵬李人鐸姜明經劉燮元均著賞給陸軍礮兵科舉人並著授副軍校考列優等之步兵科畢業生蔣作賓高佐國金永炎劉一清吳經明沈尙樸程守箴軍師范王家駒何澄吳祉貞均著賞給陸軍步兵科舉人並著授副軍校考列優等之馬兵科畢業生劉嗣榮著賞給陸軍馬兵科舉人並著授副軍校考列優等之工兵科畢業生李煒章鄧質儀翁之麟均著賞給陸軍工兵科舉人並著授副軍校考列上等之步兵科畢業生趙康時周承葵張承禮張斯應杜錫鈞裕冕寶洪勝徐卓張明遠祺昌張學齡饒景華余欽翼均著賞給陸軍步兵科舉人並著授協軍校考列上等之礮兵科畢業生翁之穀邵保朱兆熊錦餘噶勒炳阿

四十二

十一月

李鈞南劉祖堯丁文藻馬祖全均著賞給陸軍礮兵科舉人並著授協軍校考列上等之馬兵科畢業生沈綱慶芳倪謙解朝東玉琪劉國祥黎本唐吳連慶繆慶禧蕭安國均著賞給陸軍馬兵科舉人並著授協軍校考列上等之工兵科畢業生雙祥張策平陳從義劉繩武那瑪善吳保鏘均著賞給陸軍工兵科舉人並著授協軍校考列上等之輜重兵科畢業生王占海蕭鴻陞均著賞給陸軍輜重兵科舉人並著授協軍校該部知道欽此

十月二十一日 皇帝詔曰朕自沖齡踐祚寅紹丕基荷蒙 皇太后幃育仁慈恩勤教誨垂簾聽政宵旰憂勞嗣奉 懿旨命朕親裁大政欽承 列聖家法一以敬 天法 祖勤政愛民爲本三十四年中仰稟 慈訓日理萬幾勤求上理念時事之艱難折衷中外之治法輯和民教廣設學堂整頓軍政振興工商修訂法律預備立憲期與薄海臣庶共享昇平各省遇有水旱偏災凡疆臣請賑請蠲無不恩施立沛本年順直東三省湖南湖北廣東福

建等省先後被災每念吾民滿目瘡痍難安寢饋朕躬氣血素弱自去年秋間不豫醫治至今而胸滿胃逆腰痛腿軟氣壅咳嗽諸證環生迭起日以增劇陰陽俱虧以致爾留不起豈非天乎顧念神器至重亟宜傳付得人茲欽奉

慈禧端佑康頤昭豫莊誠壽恭欽獻崇熙皇太后懿旨攝政王載灃之子溥儀入承大統爲嗣皇帝在嗣皇帝仁孝聰明必能仰慰 慈懷欽承付託憂勤惕厲永固邦基爾京外文武臣工其精白乃心破除積習恪遵前次諭旨各按逐年籌備事宜切實辦理庶幾九年以後頒布立憲克終朕未竟之志在天之靈藉稍慰焉喪服仍依舊制二十七日而除布告天下咸使聞知

十月二十一日欽奉 慈禧端佑康頤昭豫莊誠壽恭欽獻崇熙皇太后懿旨攝政王載灃之子溥儀著入承大統爲嗣皇帝欽此 又欽奉 慈禧端佑康頤昭豫莊誠壽恭欽獻崇熙皇太后懿旨前因穆宗毅皇帝未有儲貳曾於同治十三年十二月初五日降旨大行皇帝生有皇子

法令一 諭旨

即承繼穆宗毅皇帝爲嗣現在大行皇帝龍馭上賓亦未有儲貳不得已以攝政王載灃之子溥儀承繼穆宗毅皇帝爲嗣並秉承大行皇帝之祧欽此 又欽奉 慈禧端佑康頤昭豫莊誠壽恭欽獻崇熙皇太后懿旨著派禮親王世鐸睿親王魁斌喀爾喀親王那彥圖奉恩鎮國公度支部尙書載澤大學士世續那桐外務部尙書袁世凱禮部尙書溥良內務府大臣繼祿增崇恭辦喪禮敬謹襄事欽此 又欽奉 慈禧端佑康頤昭豫莊誠壽恭欽獻崇熙皇太后懿旨現值時勢多艱嗣皇帝尙在沖齡正宜專心典學著攝政王載灃爲監國所有軍國政事悉秉承予之訓示裁度施行俟嗣皇帝年歲漸長學業有成再由嗣皇帝親裁政事欽此

十月二十一日內閣奉 上諭本月二十一日酉刻 大行皇帝龍馭上賓朕欽奉 慈禧端佑康頤昭豫莊誠壽恭欽獻崇熙皇太后懿旨入承大統搶地呼天攀號莫及伏念 大行皇帝御宇三十有四年祇承 家法上秉

法令一 諭旨

四十四

十一月

慈謨傷厲憂勤無日不以敬 天法 祖勤政愛民爲念簡任親賢變法圖強維新政治中外望風凡有血氣者罔不悲哀感戀出於至誠朕之泣血椎心尙忍言乎惟思付託至重責在藐躬尙賴內外文武大小臣工共矢公忠弼予到治各直省督撫務當撫輯斯民整頓吏治以仰慰 大行皇帝在天之靈朕實有厚望焉至喪服之制欽奉 大行皇帝遺詔令依舊制二十七日而除朕心實有不忍仍當恪遵古制敬行三年之喪庶幾稍盡哀慕之忱至於 郊廟祭祀大典自不應因大喪而稍略其禮其應如何遣官恭代及親詣行禮之處著各該衙門查照向例集議以聞其天下臣民應持服制仍照定例行將此通諭知之欽此

十月二十二日內閣奉 上諭朕續承大統 聖祖母慈禧端佑康頤昭豫莊誠壽恭欽獻崇熙皇太后應尊爲太皇太后兼祧 母后皇后應尊爲 皇太后所有應行典禮著該衙門敬謹查例具奏欽此 同日奉 上諭朕

欽奉 慈禧端佑康頤昭豫莊誠壽恭欽獻崇熙皇太后懿旨現命攝政王載灃暨國所有應行禮節著內閣各部院會議具奏欽此 同日奉 上諭道光二十六年三月 宣宗成皇帝特降 諭旨以二名不偏諱將來繼體承緒者上一字仍舊毋庸改避亦毋庸缺筆其下一字應如何缺筆之處臨時酌定以是著爲令典等因欽此今朕敬遵 成憲將御名上一字仍舊書寫毋庸改避下一字敬缺一撇書作儀字其奉旨以前所刻書籍俱毋庸議欽此 同日奉 上諭同治十三年 穆宗毅皇帝大事 大行皇帝曾遵成例停止各省將軍督撫提鎮藩臬及鹽關織造等來京叩謁 梓宮今 大行皇帝升遐其各直省將軍督撫都統副都統提鎮城守尉並西北兩路將軍大臣暨藩學臬鹽關織造等均不必奏請來京叩謁 梓宮致曠職守各該員惟當竭誠盡職以期無負委任不在末節虛文也將此通諭知之欽此 同日奉 旨凡遇避寫御名下一字應避寫定作^儀著通行曉諭嗣後凡應行

連寫之清語著仍照舊書寫過書寫單字御名下一字避寫作^儀欽此 同日奉 上諭朕欽奉 慈禧端佑康頤昭豫莊誠壽恭欽獻崇熙太皇太后懿旨昨經降旨特命攝政王爲監國所有軍國政事悉秉承予之訓示裁度施行現予病勢危篤恐將不起嗣後軍國政事均由攝政王裁定遇有重大事件有必須請皇太后懿旨者由攝政王隨時面請施行欽此

十月二十二日 慈禧端佑康頤昭豫莊誠壽恭欽獻崇熙太皇太后詔曰予以薄德祇承 文宗顯皇帝冊命備位宮闈迨穆宗毅皇帝冲年嗣統適當寇亂未平討伐方殷之際時則髮捻交訌回苗俶擾海疆多故民生凋敝滿目瘡痍予與 孝貞顯皇后同心撫訓夙夜憂勞秉承 文宗顯皇帝遺謨策勵內外臣工暨各路統兵大臣指授機宜勤求治理任賢納諫救災卹民遂得仰承 天庥削平大難轉危爲安及穆宗毅皇帝卽世今大行皇帝入嗣

大統時事愈艱民生愈困內憂外患紛至沓來不得不再行訓政前年宣布預備立憲詔書本年頒示預備立憲年限萬幾待理心力俱殫幸予體氣素強尙可支拄不期本年夏秋以來時有不適政務殷繁無從靜攝眠食失宜遷延日久精力漸憊猶未敢一日暇逸本月二十一日復遭大行皇帝之喪悲從中來不能自克以致病勢增劇遂至彌留回念五十年來憂患迭經兢業之心無時或釋今舉行新政漸有端倪嗣皇帝方在冲齡正資啟迪攝政王及內外諸臣尙其協心翊贊固我邦基嗣皇帝以國事爲重尤宜勉節哀思孜孜典學他日光大 前謨有厚望焉喪服二十七日而除布告天下咸使聞知

十月二十二日內閣奉 上諭朕以冲齡仰蒙 大行慈禧端佑康頤昭豫莊誠壽恭欽獻崇熙太皇太后顧復恩慈情深罔極特命入承大統深冀 慈宮康健克享期頤俾朕奉養承 歡恭聆 訓誨以成郅治而固邦基乃宵

法令一 諭旨

肝憂勞漸致違和屢進湯藥調理方期日就安痊不意因二十一日 大行皇帝龍馭上賓哀戚過甚病勢陡重遂致大漸遽於本月二十二日未時 仙馭升遐呼搶哀號曷其有極欽奉 遺詔喪服二十七日而除朕心實所難安仍穿孝百日並素服滿二十七月稍申哀悃至 諭以勉節哀思一以國事爲重敢不敬遵 遺命強加節抑以慰 大行太皇太后在天之靈所有 大喪禮制著派肅親王善耆順承郡王訥勒赫都統喀爾沁公博迪蘇協辦大學士榮慶鹿傳霖吏部尚書陸潤庠內務府大臣奎俊禮部左侍郎景厚敬謹管理一切應行事宜並著詳稽舊典悉心核議隨時具奏將此通諭中外知之欽此

十月二十三日內閣奉 上諭著添派恭親王溥偉農工商部尚書溥良會同原派王大臣恭辦 大行太皇太后喪禮欽此 同日奉 上諭現遭 大行慈禧端佑康頤昭豫莊誠壽恭欽獻崇熙太皇太后大事各直省將軍督撫都統副都統提鎮等均有職守不必奏請來京叩謁

四十六

十一月

梓宮惟當實心辦事勉盡厥職不在禮節虛文也欽此 同日奉 上諭禁門重地理宜嚴肅疊經諭令該管大臣申嚴門禁稽察出入不啻三令五申乃近來門禁仍屬懈弛亟宜再申誥誡著前鋒統領護軍統領總管內務府大臣嚴飭值班官兵務須認真稽察不准冒充當差人等乘間出入經此次申警後倘再仍前疏忽定將該管大臣嚴懲不貸懷之欽此

十月二十四日內閣奉 上諭伊古神聖之君功德丕著必有隆稱懿號昭示來茲典至鉅也欽惟我 皇考大行皇帝濬哲宣聰研精敏學德綏中外道妙化裁 御宇三十有四年無日不以敬 天法 祖勤政愛民爲念每遇郊壇大祀精誠昭格崇奉我 皇祖母大行太皇太后尊養優隆溯當登極之初上秉 重簾之訓求讜言而崇節儉察羣吏而戒因循泊乎親裁大政整飭紀綱咨詢陽雨偏災偶告蠲貸兼施召對臣工披覽章奏寒暑無間宵旰焦勞書唐大寶箴於殿壁如木從繩刊承華事畧之新

圖以古爲鑑至於軫時事之艱難采列邦之政治舉一切

與學練兵理財造幣綏藩墾荒保商勸工度量權衡郵船

路礦諸要政靡不仰稟 慈謨俯度時勢準今酌古執兩

用中而且尊 素王而崇祀典御經筵以益新知訂商約

以重邦交本禮教以修刑律滿漢化除其畛域同 轡載

之無私勳臣追錄其子孫勵封疆之忠藎籌備立憲期於

九載告成通變宜民實繫環球觀聽宏功盛德海宇同欽

予以沖人纂統永懷孺慕益切顯揚允宜詳考彝章恭上

尊謚 廟號著大學士各部院衙門敬稽典禮具奏以

聞欽此 同日奉 上諭 大行皇帝尙未擇有 陵寢

著派溥倫陳璧帶領堪輿人員馳往 東西陵敬謹查勘

地勢繪圖貼說奏明請旨辦理欽此 同日奉 上諭前

刑部主事陳秉鈞分部郎中曹元恆江西玉山縣知縣呂

用賓江蘇阜甯縣知縣周景濤浙江候補知縣杜鍾駿江

蘇候補知府施煥候選道張鵬年均著降二級留任欽此

同日奉 上諭太醫院院使張仲元御醫全順醫士忠

勛恩良戴家瑜均著革職帶罪効力欽此 同日奉 上

諭豫親王懋林奏歲滿當差一摺定例王公年滿十八歲

由宗人府奏明上朝當差茲該親王尙未歲滿徑行遞摺

請安並請出學當差與定例不合殊屬冒昧豫親王懋林

著交宗人府議處仍俟年滿十八歲循例由宗人府奏明

辦理欽此

十月二十五日內閣奉 上諭據王大臣等奏三年之喪

難以舉行請仍依舊制一摺覽奏愈增哀痛朕承 大行

皇帝付託之重雖終身哀慕尙難仰報 高厚之恩豈持

服三年遽謂盡哀盡禮且三年之喪達乎天子禮經所載

敢不恪遵若喪服二十七日而除於心實有不忍除臣民

服制仍各欽遵舊例朕敬循古制持服三年以冀稍申哀

悃至 郊 社 宗廟祀典朝禮仍可於持服中舉行不

致偏廢其如何舉行三年之喪仍著各該衙門詳稽典禮

妥議具奏欽此 同日奉 上諭 祺貴妃 瑜貴妃

珣貴妃 璿妃 瑾妃侍奉 大行太皇太后歷有年所

法令一 諭旨

四十八

十一月

淑順克昭均宜加崇位號以表尊榮 祺貴妃謹尊封爲
祺皇貴太妃 瑜貴妃尊封爲 瑜皇貴妃 珣貴妃
尊封爲 珣皇貴妃 璿妃晉封爲 璿貴妃 瑾妃晉
封爲 瑾貴妃所有應行事宜著該衙門察例具奏欽此
同日 攝政王面奉 皇太后懿旨祺皇貴太妃瑜皇
貴妃珣皇貴妃璿貴妃瑾貴妃均著加恩每月賞給公費
銀五百兩由內務府廣儲司交進欽此 同日奉 皇太
后懿旨攝政王載灃穿孝百日欽此 同日奉 旨恭辦
喪禮王大臣照例穿孝百日外和碩慶親王奕劻和碩莊
親王載功科爾沁親王阿穆爾靈圭多倫克勤郡王崧杰
奈曼郡王蘇珠克圖巴圖爾多羅貝勒載澗載洵載濤毓
朗喀拉沁貝勒熙凌阿科爾沁貝勒鄂阿拉坦鄂齊爾貝
勒銜固山貝子溥倫固山貝子毓櫛土默特貝子棍布扎
布奉恩鎮國公溥佑科爾沁輔國公達寶貝子銜鎮國將
軍載振鎮國將軍溥侗御前侍衛都統芬車色楞額副都
統善豫良泰乾清門行走固倫額駙品級麟光不入八分

輔國公憲章憲德副都統溥倬都統固倫額駙符珍乾清
門侍衛委散秩大臣郡君額駙公松椿郡君額駙侯琦璠
軍機大臣大學士張之洞大學士孫家鼐陸軍部尚書鐵
良郵傳部尚書陳璧理藩部尚書壽耆南書房行走朱益
藩吳士鑑鄭沅袁勵準亦著穿孝百日其餘王大臣官員
著穿孝二十七日釋服焚燬欽此
十月二十六日內閣奉 上諭 皇祖母大行慈禧端佑
康頤昭豫莊誠壽恭欽獻崇熙太皇太后徽音懋著道協
坤元昔奉我 皇祖考文宗顯皇帝淑慎恪恭誕育我
皇考穆宗毅皇帝當 文宗顯皇帝升遐時正值大亂方
殷海宇鼎沸條約初定人心未安經大小臣工迭次籲請
大行太皇太后與 皇祖妣孝貞顯皇后垂簾聽政並
曾經祇領 文宗顯皇帝所賜之御賞同道堂五字圖章
鈐押廷旨其時尚 駐蹕瀋陽 一德同心 神謨默運
還京師以定人心除大慈以收魁柄倚任親賢勤求治理
視民如傷從諫如流纂治平之寶鑑選進講之儒臣政

本澄清羣賢彙進當夫寇盜縱橫之際民生凋瘵之餘定廟算以授機宜敷惠德以格頑梗卒使髮捻回苗各匪滔天巨浸次第蕩平四海化烽燧而爲敦樂兆民出水火而登衽席迨我 皇考大行皇帝入嗣大統又蒙 恩勤鞠養慈誨周詳屬以時局愈艱望治尤亟再 訓大政不惜勤勞時則環瀛大通日新月異外交內治無一事不厘慈懷旰食宵衣無一日稍存暇逸深維求器惟新之道改絃更化之方酌古準今經文緯武設同文館以通重譯創船政製造等局以飭戎備遣各國駐使以聯邦交派學生職官游學東西洋以資廣益造鐵道而文軌通興礦政而地產阜頒行商律畫一幣制以及商輪郵電度量權衡鑿井防災鳴機學藝家勤實業野鮮遊民靡不創開九州未有之利源破除百代相沿之弊竇變科舉開學堂而立教必以宗經學古爲本廢酷刑禁拷訊而修律必以禮教倫紀爲先尊 孔聖爲大祀所以閑邪而崇二練陸軍以新式所以建威而銷萌古聖有善取諸人之量故治法兼采

法令一 諭旨

東西帝王具天下一家之心故滿漢化除畛域以及續修光緒之會典實測行軍之輿圖保護遠及於華僑振濟推恩於鄰國至其裁抑外家力辭徽號雖漢之明德宋之宣仁殆遠過之而且天縱多能幾餘游藝書法繪事靡不精詣入神又於御園造如意莊以觀稼穡設綺華館以勸蠶桑每遇災沴上聞望晴閱雨輒爾日食粗糲中夜露禱壹以感格爲度凡此皆勤求民瘼之真誠故能成莫不尊親之郅治比者頒布立憲年限薄海歡呼此實遠紹唐虞三代好惡同民之心傳一洗秦漢以來權術雜霸之治體敬溯五十年來 仁恩汪濊 功德崇隆實爲天下臣民所共知古今史冊所未有朕仰蒙 懋育寅紹丕基未伸孝養之忱忽遭 上仙之痛緬維 巍煥摹繪實難惟有仰晉隆稱畧抒哀悃誠宜敬稽典禮恭上 尊諡垂示無窮以彰 懿範庶稍盡朕尊親之意著內閣各部院衙門會同敬謹擬奏以聞欽此 同日奉 上諭禮先報本尊崇當溯厥由來義在制宜孝思必循夫典則雍正十三年

法令一 諭旨

高宗純皇帝恭加上 列聖 列后尊諡會欽奉 聖諭
崇先特典後世子孫不得奉爲成式是以 大行皇帝於
同治十三年恭加上 列聖 列后尊諡於 列聖尊諡
已加至二十二字者未敢復議加上 列后尊諡已加至
十六字者亦未敢復議加上允宜祇遵 憲典敬法 前
謨其有 列聖尊諡未加至二十二字 列后尊諡未加
至十六字者均應恭議尊崇顯揚 盛美該衙門詳稽典
禮敬擬奏聞欽此 同日奉 上諭此次 大行太皇太
后 大行皇帝大業經諭令各省將軍督撫等不必奏
請來京叩謁 梓宮其餘開缺告病在籍各大員均無庸
來京叩謁 梓宮卽於哀詔到日隨同該省地方官舉行
成服欽此 同日奉 上諭各省督撫鹽關向有呈進方
物現當哀痛之時食處皆所不安著通諭各省督撫鹽政
織造關差等一應貢獻概行停止卽食品亦不准呈進俟
三年之後再候諭旨欽此 同日奉 上諭安徽壽春鎮
總兵員缺著李定明補授欽此 同日奉 上諭王士珍

五十

十一月

奏霜降安瀾一摺本年五六月間江南北大雨時行水勢
陡漲堤掃各工紛紛墊塌入秋以來水仍未盡減退仰賴
神靈默佑搶護平穩普慶安瀾實深寅感著發去大藏
香十五枝交王士珍祇領恭詣 大王將軍各廟虔誠祀
謝用答 神庥欽此 同日奉 旨兵丁等借支庫銀應
扣本年十二月次年正月利息銀兩著加恩展限兩箇月
欽此 同日奉 旨本年各班應行來京之蒙古汗王貝
勒貝子公台吉塔布囊等無論御前乾清門行走外邊行
走到京時准其叩謁 梓宮本年例貢均毋庸呈進其本
年不值年班之蒙古汗王貝勒貝子公台吉塔布囊等均
毋庸來京叩謁 梓宮以示體恤該部知道欽此
十月二十七日內閣奉 上諭 大行太皇太后垂簾訓
政四十餘年功在 宗 社德被生民所有治喪典禮允
宜格外優隆以昭尊崇而申哀悃著禮部將一切禮節另
行敬謹改擬具奏欽此 同日奉 上諭 大行慈禧端
佑康頤昭豫莊誠壽恭欽獻崇熙太皇太后菩陀峪萬年

吉地今定爲 普陀峪 定東陵著傳知各衙門敬謹遵
照繕寫欽此 同日奉 上諭本月二十二日欽奉 大
行太皇太后懿旨軍國政事均由監國攝政王裁定是代
朕主持國政黜陟賞罰悉聽監國攝政王裁度施行自朕
以下均應恪遵 遺命一體服從懿親宗族尤應懷守國
法矜式羣僚嗣後王公百官倘有觀望玩違暨越禮犯分
變更典章淆亂國是各情事定卽治以國法斷不能優容
姑息以致敗壞紀綱庶幾無負 大行太皇太后委寄之
重而慰天下臣民之望欽此 同日奉 上諭邦家不造
連遭大喪仰賴 大行太皇太后暨 大行皇帝廟謨宏
遠規畫周詳得以宮府乂安朝野翕服有約各國亦咸盡
情盡禮益篤邦交乃近有不逞之徒造言生事煽惑愚蒙
更有海隅匪黨潛謀內渡妄思搆亂若不從嚴查禁深恐
擾害治安著民政部步軍統領順天府各省督撫督飭所
屬文武多派偵巡重懸賞格一體嚴密訪拿勿稍疏縱遇
有緝獲上項匪犯卽訊明就地正法出力員弁准其擇

法令一 諭旨

尤請獎以靖地方而肅國紀欽此
十月二十八日內閣奉 上諭昨據王大臣等奏三年之
喪難以舉行仍依舊制業經降旨明白宣諭朕承 大行
皇帝付託之重惟有恪守禮經藉申哀悃非以持服三年
遂謂盡哀盡禮也今王大臣等復援引舊章合詞奏請敬
稽道光三十年 宣宗成皇帝大喪 文宗顯皇帝持服
百日咸豐十一年 文宗顯皇帝大喪 穆宗毅皇帝持
服百日同治十三年 穆宗毅皇帝大喪 大行皇帝亦
持服百日俱因臣工等籲請再三未遂 聖志今朕哀慟
雖深亦何敢有逾 成憲不得已勉從所請縞素百日仍
素服二十七月該王大臣等不必再行瀆請至三年內恭
遇 郊 社 宗廟祀典朝禮一切服色著王大臣等均
查照成例敬謹辦理欽此 同日奉 上諭安徽潁州府
知府員缺著鳳林補授欽此
十月二十九日內閣奉 上諭山東鹽運使著丁達意補
授欽此 同日奉 上諭山東兗沂曹濟道員缺著吳永

五十一

戊申

法令一 諭旨

補授欽此

十月三十日奉 旨載洵著補授內大臣欽此 同日奉

旨那桐著補授閱兵大臣欽此 同日奉 旨那彥圖

著管理健銳營事務欽此 同日內閣奉 上諭袁樹勛

奏分別舉劾屬員一摺山東泰安府知府玉構沂州府知

府李于鐸登州府知府文琪署曹州府知府候補直隸州

知州王廣廷益都縣知縣李祖年諸城縣知縣李敬修夏

津縣知縣張汝鈞博平縣知縣向植署齊河縣知縣試用

同知馮慶恩署鄆城縣知縣候補知縣潘時琮既據該撫

臚陳政績均著傳旨嘉獎萊州府知府恭曾聲名貪鄙罔

恤民艱前署甯海州知州試用知縣何恩錫辦案草率幾

釀事端調補滕縣知縣前單縣知縣徐壽彭狡滑鑽營言

過其實德平縣知縣沈彭年辦事怠玩民有怨言堂邑縣

知縣蕭漢儒煙瘴太深性情懶惰前肥城縣知縣童益升

貪鄙性成不知悔改濟陽縣知縣陶緒泰行止不端聲名

惡劣署安邱縣知縣另補知州馬思齊不理民事嗜好甚

五十二

十一月

深署東平州知州候補知縣鄭觀光操守不潔嘖有煩言
鄆城縣典史吳祖培膽大妄爲肆行無忌禹城縣典史沈
曾蔭不守官箴聲名甚劣海豐縣典史張名灝行止卑污
不恤人言莘縣典史王耀宗聲名狼藉卑鄙無恥均著卽
行革職東昌府知府宋夢槐貌似有才性情剛愎著開缺
以同知降補該部知道欽此